

Et Horoskoop

Johrduusende at schwärme Lü,
wie jäck für de Astrolojie.
Se jlööve, dat sujaa de Stäere
os Läeve he am länke wöre,
die ovve huuch am Firmamänt
me jō mem bluuße Ooch erkānt.
On och nauch de Planetebahn
soll Enfloß op os Schecksal han.

Profässjonälle Astroloore
behaupte ernßhaff onjeloere,
se könnte am Verloof van Stäere
de Zokonēf wirklichsch os erkläre,
on wat bej e bestemmp Malöör
et beißte wahl ze maache wör.

Wie ävve krijje die dat bluuß
em Vüruus su exak eruß?
Behaupte och, dat jelt genau
fü Jong on Alt, fü Mann on Frau?
Fü Dütsche, Spanier, Franzuuse,
fü Skandinavier on Russe?

Dröm send halt Mensche drop erpisch ¹,
mih ² ze erfahre övve sisch,
wänn se em Vüruus wesse wolle,
für wat se sisch äntschleeße solle,
wie me em Zwievel jedes Mōōl
sisch könēftisch wahl verhalde soll,
wie en jewesse Läevenslaare ³
me horoskoopisch soll verfare.

On wänn et ens net klappe sollt,
send dann de Dierkreeszeesche ⁴ schold.
Su let sisch also met de Stäere
ene Iedom ⁵ hengeher erkläre.
Dänn wie et Läeve wirklichsch lööf,
henk dōvan aaf, of me draan jlööf.

¹ erpicht ² mehr ³ Lebenslagen ⁴ Tierkreiszeichen
⁵ Irrtum

Zom Jlöck jit et dofür jöttlob
dann jede Wääsch et Horoskoop.
Me schleet ens flöck de Ziedong op
on söök dq dren si Horoskoop.

Janz wischtisch sälefsverständlich eß,
wann me jeboere wudde eß,
me käänt si eeje Dierkreeszeesche,
on weeß och, wie die angere heesche.

Met *Wassermann* em Januaa
fenk dä jesamde Zyklus aa.
Et jit dr *Löow* on ange Dier,
wie *Föische*, *Widder*, *Krebs* on *Stier*,
Schötz, *Steenbock*, *Skorpiuun* on *Wöoch* ¹,
de *Jongfrau* on de *Zwillinge* och.

Me ließ dq en e Dutzend Spalte,
wie me als *Krebs* sisch soll verhalde,
on wat dä *Steenbock* janz bewoß
dä nääkste Wääsch vermeede moß.
Wie aajeköndisch, steet däm *Stier*
dämnääks e Küddelsche ² bevür.
De *Föische* werde aajehalde,
ens ene Jang zeröckzeschalte.
Et Horoskoop ämfiehl de *Schötze*,
die joo Jelääjeheet ze nötze,
en nääkste Zik ens zo verreese
on Urlaubsfreude ze jeneeße.
De *Wöoch*, su steet für Dengsdaach dren,
soll net esu kritisch met sisch sen.
De *Zwillinge* erfahre sachte,
op de Ernährung mih ze achte.
De *Jongfrau* ließ, dat en ene Mqont
Merkur on Venus jönstisch stont.
Dr *Löow* kann hoffnungsvoll erwaade,
en nöi Eroberung ze starte.
Em *Widder*-Horoskoop steet dren,
mih kompromessbereet ze sen.
Dä *Wassermann* eß fein eruß,
dänn däm beschötzt dr Uranus.

¹ Waage ² Liebesverhältnis

De Stäerrekonzellaziun
van Dierkreeszeesche *Skorpiun*
führt zwengend zo de Diagnose
Finanzjeschäfte sen ze lösen.

Sujaa bej checksalhafte Fröore
dö föhle sisch die Astroloore
zoständisch on em Elemänt
on halde sisch fü kompetänt.
Se jävve Röt bej Schwierischkeete,
en Häzensaaajeläjeheete.

On of terminlich fü en Rees
dr näkste Mondaach jöntisch eß.
Of du disch *hü* beschwiere ¹ jeeß,
of leevere nauch jet waade deeß.

Dauch eß et schlau, sisch völlzestoppe
met Tipps van Ziedongshoroskoope?
Soll me sisch nö die Röttschlääsch rischte,
of leevere dödrop verzishte?

E zöneftisch Johreshoroskoop
dat maache se net hopplahopp.
Dö wirke Astroloore all
met Zirkel on met Lineal.
Bestemme, wämme däm net kännt,
ze-iesch genau dr Aszendent;
dann die komplätte Stäerewält
eß en zwölfe Hüüser enjedeelt.
Se dont für Kunde och spezzälle
private Horoskop erställe.
Dat send dann ävve keen normale,
dö moß me extra fü bezahle.

Me könnt jö och statt Astroloore
en Kaateschläjesche ² ens fröore,
on sisch van dör für en Prognose
privat de Kaate lääje lösen.

Jenau su jit et Spezzaliste
op däm Jebiet, van dänne krißte
et Checksal us de Hank jeläese.
Dat Resultat eß och net bässe.

¹ beschweren ² Kartenlegerin, Wahrsagerin